

Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

Apeqqut:

- 1) Ullumikkut nunaqarfinni 1975-miit illuliat "Illorput 43" aamma "Illorput 69" amerlasuut aserfallassimaqisut, inuttaasa taarsigassarsillutik periarfissai pitsanngorsaaffiginiallugit Naalakkersuisut qanoq pilersaaruteqarpat?
 - a) Illunik piginnittut ikiorlugit aserfallatsaaliinissaannut attartorfissaasinnaasunik pilersitsinissamik eqqarsaatersuuteqarpisi?
- 2) Illut taaneqartut "Illorput 43" aamma "Illorput 69" sanaartorneqarnerminni kiassaateqartinneqarput angallatit kissarsuutaannik (skibsovn). Ullutsinnut naleqqutinngivimmat tamakku kiassaatigissallugit apererusuppunga Naalakkersuisut kiassaatersuinissamut attartorfissaasinnaasunik periarfissiiniarnersut eqqarsaatersuuteqarnerisut?

(Inatsisartuni ilaasortaq Hans Enoksen Naleraq)

Tungavilersuut:

Nunaqarfinni innuttaasut nammineerlutik illuliat "Illorput 43" aamma "Illorput 69" sanaartorlugit siulliit 1975-mi aallartinneqarnikuupput massakkumullu ajoraluartumik amerlasuut aserfallassimapput. Ineqarnertigut nunaqarfippassuarni pissutsit pitsaanerulissappata illunik pitsanngorsaaniarluni Naalakkersuisut taarsigassarsiniartarfinnik pilersitsisariaqarput nunaqarfimmiut Illoqarfinnilu isorliunerusuni najugallit eqqarsaatigalugit.

Tassami aningaaseriviit aammalu realkredit-it nunaqarfinni illoqarfinnilu isorliunerusuni najugaqartunut attartortitsisanngillat attartortitsiniartarneralluunniit aporfippassuaqarsinnaalluni killilerujussuulluni. Tamakku pissutaaqataapput nammineq illuliornikut aserfallatsaaliinissaminut/nutarterinissaminut attartorfigisinnaasaat ajornakusoornerannik.

Apeqqutikka ullut qulit qaangiutinnginneranni akineqarnissaat kissaatigaara.